

TOOLTIPS

O compoñente Bootstrap tooltip é un compoñente moi similar ao compoñente popover pero difire de este en que o chamado bocadoillo non aparece ao facer click no elemento se non ao mover o rato por encima deste.

Para que funcionen requiren que engadásemos a librería popper.js ao noso proxecto.

Un exemplo básico de utilización podería ser o seguinte. Non é necesario mostrar a estrutura do DOM xa que só é un elemento:

```
<div class="btn btn-danger mt-5"
    data-bs-toggle="tooltip"
    title="Título do bocadoillo">
  Mostra o bocadoillo
</div>
```

Debemos fixarnos nos atributos que engadimos ao elemento:

- data-bs-toggle:** Atributo Bootstrap que indica que o elemento ten unha interacción como tooltip.
- title:** Texto do tooltip ou pista.

Se queremos engadir HTML dentro do atributo title debemos engadir ao compoñente **data-bs-html="true"**.

Con Bootstrap podemos elixir entre 4 posibles posicións nas que pode aparecer o compoñente tooltip:

- Arriba ou **top**
- Abaixo ou **bottom**
- Á dereita ou **right**
- Á esquerda ou **left**

Para especificar esta posición deberemos engadir o atributo **data-bs-placement** con algún dos valores anteriormente mencionados.

IMPORTANTE: Para que todo funcione correctamente debemos engadir o seguinte script (ou algún similar) á nosa páxina. Unha forma de inicializar todos os tooltips nunha páxina sería seleccionalos polo seu atributo data-bs-toggle:

```
<script>
var tooltipTriggerList = [].slice.call(document.querySelectorAll('[data-bs-
toggle="tooltip"]'))
var tooltipList = tooltipTriggerList.map(function (tooltipTriggerEl) {
  return new bootstrap.Tooltip(tooltipTriggerEl)
})
</script>
```

Funcións asociadas

As máis importantes son:

- **.tooltip(options)** Habilita os tooltips. Para máis información sobre as posibles opcións visitar o manual.
- **.tooltip('show')** Mostra o bocadoillo asociado a un elemento.
- **.tooltip('hide')** Oculta o bocadoillo asociado a un elemento.
- **.tooltip('toggle')** Cambio o estado de visibilidade do bocadoillo asociado a un elemento.
- **.tooltip('dispose')** O popover deixa de funcionar.
- **.tooltip('enable')** Habilita o bocadoillo asociado a un elemento
- **.tooltip('disable')** Deshabilita o bocadoillo asociado a un elemento.

Eventos asociados

A interacción con este tipo de elementos xera 5 novos tipos de eventos, bastante auto explicativos polo seu nome e dos cales, para saber máis detalles deberemos visitar o manual de referencia.

- **show.bs.tooltip**
- **shown.bs.tooltip**
- **hide.bs.tooltip**
- **hidden.bs.tooltip**
- **inserted.bs.tooltip**